

Newspaper
Date

Harakah
11 December 2015

AKP Pemuda PAS temui Dr Mahathir

Harakah - 11/12/2015

Oleh WAN NORDIN
WAN YAACOB

KUALA LUMPUR: Bukan mudah untuk bersama jika dua aliran pemikiran cukup berbeza, namun perbezaan tidak menghalang untuk Akademi Kepimpinan Pemuda (AKP) mengadakan pertemuan dengan bekas Perdana Menteri, Tun Dr Mahathir Mohamad.

Bertempat di Yayasan Perdana, Putrajaya baru-baru ini, tempat yang cukup sinonim dengan ceramah-ceramah 'keras' pemikiran Tun Mahathir mutakhir ini.

"Alhamdulillah. Akademi Kepimpinan Pemuda (AKP), Dewan Pemuda PAS Malaysia membuat pertemuan dengan Tun Dr Mahathir Mohamad di Perdana Leadership Foundation, Putrajaya. Pihak AKP menghadihkan



Mengabadikan kenangan di ruang pameran gambar-gambar mantan Perdana Menteri Malaysia.

Dr Mahathir tiga buah buku yang menerangkan tentang konsep dan pelaksanaan undang-undang jenayah syariah beserta Borang Keahlian PAS. Beliau menerima

nya dengan senyuman yang penuh bermakna!" kata Naib Ketua Pemuda PAS Malaysia, Ir Khairil Nizam Khirudin kepada Harakah ketika memaklumkan pertemuan itu.



Bergambar bersama Dr Mahathir se usai pertemuan.

Beliau yang mengendalikan AKP Pemuda PAS Malaysia sejak beberapa tahun lamanya berkata, pertemuan itu banyak memberi impak positif dari sudut menimba pengalaman daripada negarawan tersebut.

Tun Mahathir adalah Perdana Menteri yang paling lama menerajui kerajaan Malaysia selama 22 tahun berbanding penyandang terdahulu, Tunku Abdul Rahman

Putra Al Haj, Tun Abdul Razak Hussein dan Tun Hussein Onn, malah yang selepasnya, Tun Abdullah Ahmad Badawi.

Dalam pertemuan itu, paling mendebarkan semasa menyerahkan borang keahlian PAS kepada bekas Presiden Umno itu, kata Ir Khairil Nizam lagi.

Sambil tersenyum bekas Perdana Menteri itu menerima pemberian rombongan.